



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

Luxemburgi, 1740

CXIX. Facultas gestandi Galeri redimiculum violacei coloris pro Votant.
Signat. Justit.

[urn:nbn:de:hbz:466:1-74724](https://nbn-resolving.de/urn:nbn:de:hbz:466:1-74724)

plene, & sufficienter expressis, ac ad verbum infertis habentes, illis alias in suo robore permanens ad premiorum effectum hac vice dumtaxat specialiter, & expresse derogamus ceterisque contrariis quibuscumque.

Datum Romæ apud S. Petrum sub Annulo Piscatoris die V. Julii MDCCXXVII. Pontificatus Nostri Anno Quarto.

CXLIX.

Indulgetur Votantibus Signatura Justitiae, ut gestare possint semper, & ubique Galeri Redimiculum, Cordonem vulgo nuncupatum, coloris violacei.

Alia hujus Conf. ed. 1725. Maij 8. P. 1. concessus fuit usus Mitre aliorumque insignium Canonici Metropolitanae Capuanae.

Dat. 12. Julii
1727. An. 4.

BENEDICTUS PAPA XIII.

Ad perpetuam rei memoriam.

Exordium.

Romani Pontificis supremi gratiarum dispensatoris in Terris a Domino constituti prvidentia circumspecta, illos, qui continuos labores pro administranda Justitia ad publicam utilitatem, & Sedis Apostolicae honorem in dies laudabiliter sustinent, & quorum fidem, industriaem, prudentiam, ac dexteritatem multis rerum experimentis spectatas habet, ea libenter concedit per quae eis aliqua fiat decoris accessio, ut eo alacrius majora eidem Sedi obsequia sua impendant, & in muherum sibi demandatorum functione studiosius perseverent.

¶ 1. Itaque ad egregia dilectorum filiorum Votantium Signatura nostræ Justitiae in Nos, & dictam Sedem fidei, & devotionis, aliaque multiplicia merita paternæ dirigentes considerationis intuitum, eorumque virtutem, aliqua honoris prærogativa condecorare volentes, & eorum singulares personas a quibusvis excommunicationis, suspensionis, & Interdicti, aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodatus existunt ad effectum præsentium dumtaxat consequendum harum serie absolventes, & absolutas fore censes. Motu proprio, ac ex certa scientia, mera deliberatione Nostris, deque Apostolicae potestatis plenitudine, eisdem Signatura Justitiae Votantibus præsentibus, & futuris, ut ipsi omnes, & singuli Galeri redimiculum, Cordonem vulgariter nuncupatum coloris violacei in quibusvis functionibus, & actibus publicis, ac privatis ubique deferre, & gestare libere, & licite possint, & valeant, tenore præsentium concedimus, & indulgemus.

Clausula.

¶ 2. Decernentes easdem præsentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit in omnibus, & per omnia plenissime suffragari. Sicque in præmissis per quoscumque Judices Ordinarios, & Delegatos, etiam Caufarum Palati Apostolici Auditores, ac S. R. E. Cardinales, etiam de Latere Legatos, & alios quoslibet quacumque præminentia, & potestate fungentes, & functuros, sublata eis, & eorum cuiilibet quavis alter judicandi, & interpretandi facultate, & auctoritate, judicari, & definiti debere; ac irritum, & inane si fecus super his a quoquam quavis auctoritate scienter, vel ignoranter contigerit attentari.

¶ 3. Non obstantibus Constitutionibus, & Ordinationibus Apostolicis, ceterisque contrariis quibuscumque.

Datum Romæ apud S. Petrum sub Annulo Piscatoris die XII. Julii MDCCXXVII. Pontificatus Nostri Anno Quarto.

ANNO
1727.

CL

Confirmatur Decretum Generalis Conventus Congregationis Missionis circa modum dimittendi a dicta Congregatione unum ex Assistentibus, si in culpam incidat.

De potestate Superiorum Congregationis Missionis in suos Subditos vid. aliam hujus ed. 1725. Sept. 17. P. 2.

BENEDICTUS PAPA XIII.

Dat. 12. Julii
1727. An. 4.

Ad futuram rei memoriam.

Exponi Nobis nuper fecit dilectus Filius Joannes Bonnet modernus Superior Generalis Congregationis Missionis tam suo, quam totius ejusdem Congregationis nomine, quod in novissimo Generali Convento Parisiis anno 1724. convocato inter alios editum fuit quoddam Decretum, quo declaratur modus, & forma dimittendi a dicta Congregatione unum ex Assistentibus Superioris Generalis, vel ejus Admonitorem, si alteruter, quod Deus avertat, in culpam cadat, qua juxta Constitutiones Congregationis dimissionem mereatur, tenoris, qui sequitur, videlicet.

¶ 1. Conventus unanimi voce statuendum duxit, & statuit, imposterum Assistentem a Congregatione non esse dimittendum, nisi ad plura medietate suffragia ipsius Superioris Generalis, Assistentium, & Visitatorum, qui sunt in Europa, sit pro ejus suspensione definitum fuerat in Conventu anni 1692. ¶ 2. aut si res dilationem non patetur ad plura suffragia Superioris Generalis, Assistentium, Visitatoris Provinciae, Superiorum quinque viciniorum Domorum, Secretariis, & Procuratoris Congregationis Assistentis Domus, si non sit ex Assistentibus Congregationis, & sex Sacerdotum, eorumque ratione vocatione antiquorum Domus, in qua commoratur Superior Generalis, quod nomine ejusdem Superioris Generalis, & totius Conventus a S. Sede confirmari est enix postulandum.

¶ 2. Cum autem, sicut eadem exposicio subjungebat, dictus Joannes Superior Generalis statutum, seu Decretum hujusmodi quo firmius subsistat, & servetur exactius, Apostolicæ confirmationis nostra patrocinio communiri summopere desideret. Nobis propterea humiliter supplicari fecit, ut in præmissis opportune providere de benignitate Apostolica dignaretur. Nos igitur eumdem Joannem Superiorem Generalem, specialibus favoribus, & gratiis prosequi volentes, & a quibusvis excommunicationis, suspensionis, & Interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censes, hujusmodi supplicationibus inclinati, præ inseratum Decretum, seu Statutum auctoritate Apostolica, tenore præsentium confirmamus, & approbamus, illique inviolabilis Apostolicae firmatis robur adjicimus, ac omnes, & singulos iuris, & facti defecus, si qui desuper quomodolibet intervenierint, supplemus, firmo tamen, & in sua vigore permanente Decreto, quo Nos dudum dimissionem quandam Petri de Hymbert runc prædictæ Congregationis Assistentis approbaveramus, & confirmaveramus, quod denuo auctoritate, & tenore præfatis innovamus.

¶ 3. Decernentes easdem præsentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore quandocumque spectabit inviolabiliter observari: sicque in præmissis per quoscumque que

Preces Su-
perioris Ge-
neralis.Confirmatio
relati Decre-
ti.

Clausula.